

Bosna i Hercegovina



Босна и Херцеговина

**Sud Bosne i Hercegovine
Kabinet predsjednika Suda**

**Суд Босне и Херцеговине
Кабинет председника Суда**

**Sud Bosne i Hercegovine
Ured predsjednika Suda**

**Broj: Su:10-23/18
Sarajevo, 26.02.2018. godine**

**MINISTARSTVO FINANSIJA I TREZORA
BOSNE I HERCEGOVINE
Ul. Trg BiH 1
71000 SARAJEVO**

**PREDMET: Dostava Izvještaja o izvršenju proračuna za period
01.01.-31.12.2017. godine**

Shodno našoj obavezi koja proizilazi iz člana 22. Zakona o finansiranju institucija Bosne i Hercegovine („Službeni glasnik BiH“, broj: 61/04, 49/09, 42/12, 87/12 i 32/13), Pravilnika o finansijskom izvještavanju institucija Bosne i Hercegovine („Službeni glasnik BiH“, broj: 25/15), te Instrukcije Ministarstva finansija i trezora BiH broj: 05-16-2-259-1/18 od 03.01.2018. godine, blagovremeno Vam dostavljamo obavezni set obrazaca uz obrazloženje kako slijedi:

- *obrazac - BS Bilans stanja (u prilogu zabilješke)
- *obrazac - 1 Pregled prihoda, primitaka i finansiranja
- *obrazac - 2 Zbirni pregled rashoda po ekonomskim kategorijama (Sud+IPA-2012+ IPA 2013)

- *obrazac - 2 Pregled rashoda iz budžeta po ekonomskim kategorijama SUD BiH
- *obrazac - 2 Pregled rashoda po ekonomskim kategorijama (projekat IPA-2012)
- *obrazac - 2 Pregled rashoda po ekonomskim kategorijama (IPA-2013)

Analitički pregled rashoda - zbirni
Analitički pregled rashoda - SUD BiH
Analitički pregled rashoda - IPA -2012
Analitički pregled rashoda - IPA-2013

- *obrazac - 4 Posebni podaci o plaćama i broju zaposlenih-zbirni
- *obrazac - 4/1 Pregled dinamike zapošljavanja u izvještajnom periodu (prilog-pojašnjenje)
- *obrazac -5 Klasifikacija rashoda i izdataka budžeta po vladinim funkcijama Cofog
- *obrazac - 6 Pregled stalnih sredstava u obliku stvari i prava – zbirni
Pregled donacija
- *obrazac - 6/1 Pregled kapitalnih ulaganja po vrstama, projektima i opremi

Obrazloženje

Proračun Suda BiH za 2017. godinu odobren je u iznosu 17.197.000,00 KM i isti je uvećan za 1.100.000,00 KM sukladno Odluci VM broj 209/17 od 24.08.2017. godine (Odluka o preraspodjeli dijela proračunskih sredstava za 2017.godinu iz proračuna Ministarstva pravde Bosne i Hercegovine u proračun Suda Bosne i Hercegovine, objavljena 03.10.2017.godine u Službenom glasniku broj:71/17) za prijenos neutrošenih sredstava iz 2016.godine po projektu IPA-2012 u iznosu od 21.806,53 KM, kao i za doznačena sredstva u 2017.godine po projektu IPA - 2013 u iznosu od 641.076,09 KM, tako da sveukupan korigirani proračun iznosi 18.959.882,62 KM.

Sud BiH je u 2017.godini podnio Ministarstvu finansija zahtjev za prestrukturiranje rashoda u okviru tekućih izdataka u iznosu od 5.000,00 KM ili 0,03 ukupno odobrenih proračunskih rashoda za 2017.godinu (18.297.000,00 KM. U skladu sa Odlukom o prestrukturiranju broj: 05-16-2-11307-2/17 od 28.12.2017.godine izvršeno je povećanje na sljedećoj ekonomskoj kategoriji:

- 611200 Naknade troškova uposlenih i skupštinskih zastupnika 5.000,00 KM
- a umanjenje** na ekonomskoj kategoriji:
- 613700 Izdaci za tekuće održavanje 5.000,00 KM

Sa 31.12.2017.godine proračun je realizovan (sud + IPA-2012 + IPA-2013) u ukupnom iznosu **17.166.752,98 KM** što je **90,5 %** u odnosu na tako ukupno korigirani proračun. Proračun za Sud je realizovan u iznosu od **16.695.179,22 KM**, projekat **IPA-2012** u iznosu od **21.806,53 KM** i projekat **IPA-2013** u iznosu od **449.767,23 KM**.

Preneseni dio sredstava iz 2016.godine po projektu IPA-2012 u iznosu od **21.806,53 KM** je realizovan u cijelosti sa 30.06.2017.godine. Sredstva su utrošena za ugovorene usluge – konto 6139.

Dana 15.02.2017. godine potpisan je Interni finansijski memorandum o razumijevanju o zajedničkim aktivnostima u cilju realizacije odredbi Grant sporazuma „Unapređenje rada na predmetima ratnih zločina u BiH“ između Ministarstva finansija i trezora Bosne i Hercegovine i Suda BiH (IPA -2013). Planirani broj zaposleni je 16. Po tom osnovu , a sukladno članu 2. stav.2 i članu 3: stav 1. i stav 2. doznačena je prva tranša u iznosu od **641.076,09 KM** .

Dana 19.10.2017.godine Ministarstvo finansija je dalo Potvrdu o dodatnom zapošljavanju stručnog osoblja, (tačnije dva stručna saradnika u Pravnom odjeljenju) u okviru projekta „Unaprjeđenje rada na predmetima ratnih zločina u BiH –IPA

2013“. Potvrda broj : 05-02-2-8982-2/17 izdata je na osnovu molbe Suda BiH broj :Su:10-100-6/17 od 13.10.2017.godine.

Sa 31.12.2017. godine tranša je realizovana u iznosu **449.767,23 KM**, što je **70,20 %** od doznačenih sredstava. Neutrošena sredstva u iznosu od 191.308,86 prenešena su u 2018 .godinu .

Sredstva su utrošena na bruto plate i naknade (konto – 6111) u iznosu od 281.167,36 KM, naknade troškova zaposlenih (konto 6112) u iznosu od 23.814,32 KM i ugovorene usluge (konto 6139) u iznosu od 144.785,55 KM. Stvarni broj zaposlenih na dan 31.12.2017.godine je 18.

U usporedbi sa istim periodom prethodne godine potrebno je istaći da su ukupni rashodi uključno sa rashodima i iz IPA projekata, veći za 10,1 % .

Učešće plaća u strukturi rashoda (sud + projekat) je dominantno, i iznosi **67,07 %**. U odnosu na isti period prethodne godine veće su za 0,7% (sud + projekat). Prosječan broj uposlenih je 292 (uključen projekat IPA 2013) što je za 14 više u odnosu na isti period prethodne godine. Stvarni broj zaposlenih na dan 31.12.2017. godine je 291 (sud 273+ projekat 18). Planirani broj zaposlenih za sud je 286 (6 nepopunjenih sudačkih pozicija).

Naknade troškova zaposlenih iznose 742.147,35 KM i veće su u odnosu na isti period prethodne godine za 26,3%, a rezultat su povećanog broja uposlenih , izmjene i primjene Pravilnika o izmjeni pravilnika o primjeni Zakona o porezu na dohodak (Službene novine Federacije BiH broj :52/17) kao i Odluke Vijeća ministara Bosne i Hercegovine o visini, načinu i postupku ostvarivanja prava na naknadu za prijevoz sa posla u institucijama BiH (Službeni glasnik BiH broj:72/17).

Ukupni troškovi konto 6131-6138 (bez ugovorenih usluga konto 6139) iznose 716.818,00 KM i veći su za 4,64 % u odnosu na isti period prethodne godine.

Putni troškovi konto 613100 iznose 15.103,84 KM i manji su za 7,6% u odnosu na isti period prethodne godine , a razlozi su troškovi putovanja koja su uglavnom bila na jedan do dva dana, kao i putovanja čije je troškove snosio organizator. Troškovi po osnovu putovanja u zemlji iznose 5.361,95 KM, a putni troškovi po osnovu putovanja u inostranstvu iznose 9.741 ,89 KM.

Ukupni izdaci telefonskih i ptt usluga, konto 613200 iznose 226.525,34 KM , i odnose se na poštanske usluge (185.579.40 KM), fiksne telefone (30.859,33 KM), mobilne telefone (4.516,70 KM), internet (536,65 KM) i brzu poštu (200,26 KM). U odnosu na isti period prethodne godine manje su za su za 0,6 % .

Izdaci za poštanske usluge su manji za 3,5% u odnosu na prethodnu godinu. Redovno se vrši spravnjenje evidencije iz otpremne knjige pisarne suda sa fakturama koje ispostavlja pošta.

Izdaci po osnovu fiksnih telefona u iznosu od 30.859,33 KM veći su u odnosu na prethodnu godinu za 0,4 a u odnosu na sredstva utvrđena Pravilnikom o korištenju telefona veći su 859,33 KM. Prema internom pravilniku određeni su mjesečni limiti od pet grupa za korištenje telefona u službene svrhe.Vrši se redovna kontrola nastalih troškova, a prekoračenja dozvoljenog limita se evidentiraju kao obustava uposlenicima i ista se uplaćuju na račun ili se pravdaju na osnovu službene zabilješke.

Troškovi mobilnih telefona iznose 4.516,70 KM i manji su za 10,70% u odnosu na isti period prethodne godine. U skladu sa internim aktom pravo na korištenje mobilnih telefona ostvaruje 18 uposlenika i to u rasponu od 15,00-200,00 KM.

Izdaci za energiju i komunalne usluge konto 613300 iznose 242.494,38 KM i manji su za 0,8 u odnosu na isti period prethodne godine.

Troškovi po osnovu materijala konto 613400 iznose 110.955,71 KM i veći su za 28,10 u odnosu na isti period prethodne godine. Značajni izdaci odnose se na kompjuterski materijal, kancelarijski materijal, materijal za čišćenje .

Ukupni izdaci za usluge prevoza i goriva konto 613500 iznose 3.888,77 KM i manji su za 17,9% u odnosu na isti period prethodne godine. Od toga izdaci za gorivo i motorno ulje iznose 3.255,52 KM, a izdaci za registraciju 633,25 KM.

Sud raspolaže sa tri službena vozila što je u skladu sa Pravilnikom Vijeća ministara BiH, od kojih se jedno vozilo koristi za potrebe predsjednika suda, a druga dva za potrebe obavljanja prijevoza radi vršenja poslova i zadataka rukovodstva, te obavljanje administrativnih i kurirskih poslova.

Izdaci za tekuće održavanje konto 613700 iznose 115.147,71 KM, i najvećim dijelom se odnose na materijal za održavanje i usluge održavanja opreme (računalne opreme, opreme za video nadzor, održavanje mrežne i serverske opreme kao i računarskih programa).U odnosu na isti period prethodne godine veći su za 17.7% a na što je utjecalo povećanje po osnovu usluga održavanja softvera (61.790,69 KM).

Ugovorene usluge konto 613900 iznose 4.031.780,29 KM što je 82,2% u odnosu na ukupno odobrena sredstva (Sud+IPA 2012+IPA 2013), i veće su u odnosu na prethodnu godinu za 23,8%.

Većina ugovorenih usluga odnosi se na pravne usluge-advokati po službenoj dužnosti (3.454.739,06 KM), usluge prevođenja (40.684,36 KM), usluge vještačenja (34.713,88), troškove svjedoka (129.440,17 KM) i troškove oslobađajućih presuda (293.074,98 KM).

Usluge reprezentacije konto 613914 iznose 5.474,48 KM ili 27,4% u odnosu na odobrena sredstva. Odlukom o uslovima i načinu upotrebe sredstava za reprezentaciju je definirano da pravo na reprezentaciju ostvaruje predsjednik suda i druga lica u sudu koje predsjednik suda ovlasti, s tim što troškovi na godišnjem nivou ne mogu prelaziti iznos od 20.000,00 KM.

U ovom periodu izvršena je nabavka stalnih sredstava u iznosu od 160.851,31 KM, što je 80,4% u odnosi na odobrena sredstva, i ista su nabavljena sukladno izmjenjenoj namjenskoj strukturi kapitalnih izdataka odobreno od strane MFT-a broj:05-16-2-4805-2/17 od 02.06.2017.godine.

Napominjemo da je dio sredstava u ukupnom iznosu od 19.276,92 KM knjižen sukladno instrukciji broj: 01-08-16-1-9237-1/10. (konto 821311/391292 i 821313/391292) Knjiženje je izvršeno na osnovu zaključenih Ugovora o nabavci ,a za koje je provedena zakonom predviđena procedura javnih nabava.

- Pozicija 821311 namještaj iznos od 15.537,60 KM.
- Pozicija 821313 oprema za prenos podataka iznos od 3.739,32 KM.

Evidentno je da je za ove pozicije do sačinjavanja ovog izvještaja izvršena isporuka robe i ispostavljeni računi.

U 2017. godini sudu su donirana sredstva u naturalnom obliku u vrijednosti od 72.725,60 KM. Sredstava su donirana od strane VSTV-a.(Sredstva u iznosu od 7.769,00 KM donirana su po projektu „IPA-2013 - Konsolidacija i dalji razvoj pravosudnog komunikacijskog i informacionog sistema“, a sredstva u iznosu od 64.956,60 KM donirana su po projektu „IPA 2013- Unaprjeđenje rada na predmetima ratnih zločina u BiH (CJN).

Vrijednost stalnih sredstava na dan 31.12.2017.godine iznosi :

- Nabavna vrijednost stalnih sredstva iznosi	5.099.337,32 KM
- Ispravka vrijednosti stalnih sredstava iznosi	3.861.789,68 KM
- Sadašnja vrijednost stalnih sredstva iznosi	1.237.547,64 KM

Sa stanjem na dan 31.12.2017. godine uredno je izvršen popis imovine i obaveza u skladu sa propisima koji tretiraju ovu oblast, sačinjen je izvještaj , te donesena interna akta potrebna za izvršenje radnji po nalazima komisije putem informacijskog sistema finansijskog upravljanja u Ministarstvu finansija i trezora institucija BiH.

Spoljni saradnici u tretiranom periodu nisu angažovani putem ugovora o djelu, kao i ugovora o privremenim i povremenim poslovima.

U cilju rješavanja preporuka revizije za prethodnu godinu poduzeli smo sve aktivnosti za rješavanje istih.(Poslat dopis Uredu za reviziju i Ministarstvu finansija i trezora dana 19.09.2017.godine pod brojem: Su:10-313/17).

Sačinjen je Izvještaj o poduzetim aktivnostima na realizaciji preporuka iz Izvještaja o finansijskoj reviziji Suda BiH za 2016.godinu.

Izrađeni su interni propisi o finansijskom upravljanju i kontroli;

Sistem upravljanja i kontrole uspostavljen je u svim organizacijskim jedinicama i obuhvata sve programe i procese koje izvršava institucija.

Uspostavljeni sistem finansijskog upravljanja i kontrole osigurava revizorski trag za finansijske i sve druge transakcije koje su izvršene u obračunskom periodu.

Identificirani su i dokumentovani svi ključni i pomoćni poslovni procesi.

Izrađen je Izvještaj o finansijskom upravljanju i kontroli za 2017. godinu i dostavljen Centralnoj harmonizacijskoj jedinici Ministarstva finansija i trezora (CHJ) na način i u rokovima koji su propisani podzakonskim aktima na temelju članka 33c. stavka (2) Zakona o finansiranju institucija Bosne i Hercegovine.

Sistem internih kontrola je regulisan internim aktima, koji su u prilogu ovog izvještaja.

U skladu sa Zakonom o internoj reviziji institucija BiH i Odlukom o kriterijima za uspostavljanje jedinica interne revizije u institucijama BiH, internu reviziju u Sudu bi trebala obavljati Jedinica interne revizije u okviru Ministarstva pravde BiH. U 2017. godini nije bilo aktivnosti interne revizije u Sudu.

U pogledu realizacije sudskih izvršenja u 2017. godini, sud kao proračunski korisnik nema evidentirane promjene u poslovnim knjigama, odnosno isplata na teret proračuna. Obzirom da odluke Ustavnog suda BIH U-7/12 i U-29/13(Pitanje naknada za prevoz, topli obrok, odvojeni život, smještaj i ostalih naknada koje nisu definisane Zakonom o plaćama i naknada u sudskim i tužilačkim institucijama na nivou BiH)

još uvijek nisu izvršene očekuje se i u narednom periodu ulaganje tužbi od zaposlenih koji ne ostvaruju pravo na navedne naknade što će za posljedicu imati brojne sudske sporove i isplatu dodatnih sredstava na teret Budžeta institucija BiH.

Prihodi po osnovu taxi i prihodi po osnovu kazni u kaznenom postupku su evidentirani u bruto bilanci suda sukladno Naredbi o izmjenama i dopunama naredbe o uplatnim računima o administrativnim taksama („Službeni glasnik BiH“, broj 19/14), i na dan 31.12.2017.godine iznose **1.938.746,68 KM**, i to po osnovu taxi **340.809,46 KM**, a po osnovu kazni u kaznenom postupku **1.597.937,22 KM**. Prihodi od refundacije bolovanja iz ranijih godina iznose **10.235,84 KM**.

Evidentna potraživanja neizmirenih prihoda u zakonskom roku po osnovu sudske takse rješavaju se urgentno putem telefona, opomena za plaćanje, a u slučaju da se ne izvrši uplata u ostavljenom roku zauzeti stav suda je da se za potraživanja od pravnih lica ispostavljaju izvršna rješenja prema banci kod koje se vodi račun dužnika, te se temeljem takvih rješenja realizira prinudna naplata.

Ono što je problem kod naplate sudske takse je mala mogućnost prinudne naplate. Zakonom o sudskim taksama, i to članom 15. propisano je da će sud u postupku prinudne naplate tražiti od nadležnog organa uprave da taksu naplati prinudnim putem, Porezna uprava FBiH temeljem člana 43. Zakona o Poreznoj upravi FBiH, zadužena je samo za naplatu poreznih obaveza koje je utvrdila Porezna uprava FBiH. Uprava ne vrši naplatu sudske takse iz razloga što ovaj prihod nije indirektni porez za koji je nadležna Uprava za indirektno oporezivanje. Pokrenute su aktivnosti da se ponovno uputi inicijativa Visokom sudskom i tužilačkom vijeću za izmjenu Zakona o sudskim taksama te da se uputi Inicijativa za izmjenama Zakona o izvršnom postupku, odnosno da se istim propiše da se akti suda, kojima se strankama nalaže isplata sudskih taksi, imaju svojstvo izvršnog naslova.

Uvid u detaljnije podatke se može izvršiti putem dostavljenih obaveznih analitičkih obrazaca u prilogu teksta, pomoćnim knjigama Suda, dodatnim obrazloženjima kroz zabilješke, kao i u glavnoj knjizi koja se vodi u MFT.

S poštovanjem

Prilog:

- * set propisanih obrazaca
- * Izjava o odgovornosti za ostvarivanje ciljeva institucije
- * lista internih akata
- * Izvještaj o radu za 2017
- * CD

PREDSJEDNIK SUDA

RANKO DEBEVEC